

## 2005eko ekaina

Lanetik erretiratuta dauden pertsonentzat egun bat baino gehiago irauten duten bidaiak antolatzen dituen ONDO-PASA enpresak. Datuak kudeatuko dituen aplikazio informatiko bat garatu nahi du:

- Bidai bat (adibidez Benidorm-era) data ezberdinetan egin daiteke. Bidai bakoitza identifikatzeko helmuga eta irteera data erabiltzen dira. Gainera, bidaiaren iraupena egunetan, eguneko prezioa, prezio totala, irteera hiria, erabilgarri dauden hotelak eta bidaiari esleitutako gidari bakarra gordeko dira.
- Gidari bakoitza bere NANarekin identifikatzen da eta bere izena, telefono zenbakia eta hitz egiten dituen hizkuntzak ezagutzen dira. Gidari lanetan lan egin dezakeen pertsona guztien datuak gordeko dira nahiz eta ONDO-PASA enpresarekin bidaiarik egin ez izan.
- Hotel bakoitzeko bere identifikazio zenbakia (bakarra), izena, hiria eta edukiera gordeko dira.
- Bezero bakoitzeko NAN zenbakia, izena, helbidea eta telefono zenbakia ezagutzen dira. ONDO-PASA enpresarekin bidaiak egin dituzten bezeroen datuak baino ez dira gordeko datu-basean.
- Bidai batean parte hartzen duen bezero bakoitzeko zenbat gau pasa dituen bezeroak bidai horri esleitutako hoteletan gorde nahi da. Bidaiak egun bat baino gehiago irauten duenez, gerta daiteke bidai berean hotel bat baino gehiago esleitzea.
- Bidai bakoitzak hautazko txango bat edo gehiago eduki ditzake. Hautazko txango bakoitzaren orden-zenbakia (1, 2, 3, 4, ...), helmuga, prezioa, irteera ordua eta irteera tokia gordeko dira. Zein bezerok egin duen hautazko txango bakoitza ere gordeko da.